

# საქართველოს მთავრობის

## დადგენილება №38

2020 წლის 17 იანვარი

ქ. თბილისი

„სავალდებულო სერტიფიცირებისადმი დაქვემდებარებული სასოფლო-სამეურნეო კულტურათა ჯიშების თესლისა და სარგავი მასალის სერტიფიცირების წესის დამტკიცების შესახებ“ საქართველოს მთავრობის 2018 წლის 13 ივნისის №337 დადგენილებაში ცვლილების შეტანის თაობაზე

### მუხლი 1

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, „სავალდებულო სერტიფიცირებისადმი დაქვემდებარებული სასოფლო-სამეურნეო კულტურათა ჯიშების თესლისა და სარგავი მასალის სერტიფიცირების წესის დამტკიცების შესახებ“ საქართველოს მთავრობის 2018 წლის 13 ივნისის №337 დადგენილებაში ([www.matsne.gov.ge](http://www.matsne.gov.ge), 18/06/2018, 340020000.10.003.020652) შეტანილ იქნეს ცვლილება და დადგენილებით დამტკიცებული სავალდებულო სერტიფიცირებისადმი დაქვემდებარებული სასოფლო-სამეურნეო კულტურათა ჯიშების თესლისა და სარგავი მასალის სერტიფიცირების წესის:

1. მე-7 მუხლის მე-2 პუნქტის შემდეგ დაემატოს შემდეგი შინაარსის 2<sup>1</sup> პუნქტი:

„2<sup>1</sup>. სათესლე ნაკვეთის მდგომარეობა და მცენარეთა განვითარების ფაზები საშუალებას უნდა იძლეოდეს, სათანადოდ ჩატარდეს საველე ინსპექტირება.“.

2. მე-8 მუხლის პირველი პუნქტის შემდეგ დაემატოს შემდეგი შინაარსის 1<sup>1</sup> და 1<sup>2</sup> პუნქტები:

„1<sup>1</sup>. ბაზარზე განთავსებული თესლი, შემთხვევითი შერჩევის პრინციპით, ნიმუშის აღებით უნდა იქნეს შემოწმებული, რათა დადგინდეს, აკმაყოფილებს თუ არა ის საქართველოს კანონმდებლობით დადგენილ მოთხოვნებს.

1<sup>2</sup>. საკონტროლო გამოცდისას, საჭიროების შემთხვევაში – ლაბორატორიაში, უნდა შემოწმდეს თესლის პარტიებიდან აღებული თესლის ნიმუში ჯიშობრივ იდენტურობასა და ჯიშობრივ სიწმინდეზე.“.

3. მე-8 მუხლის მე-2 პუნქტის შემდეგ დაემატოს შემდეგი შინაარსის 2<sup>1</sup> პუნქტი:

„2<sup>1</sup>. სერტიფიცირებისთვის განკუთვნილი კულტურების თესლის შემოწმებისა და საკონტროლო გამოცდისთვის ნიმუშები აღებული უნდა იყოს თესლის ერთგვაროვანი პარტიებიდან. თესლის პარტიის მაქსიმალური წონა და თესლის ნიმუშის მინიმალური წონა უნდა შეესაბამებოდეს საქართველოს კანონმდებლობით დადგენილ მოთხოვნებს.“.

### მუხლი 2

დადგენილება ამოქმედდეს 2024 წლის პირველი ივნისიდან.

პრემიერ - მინისტრი

გიორგი გახარია

